

Comision Celebracion Dianan Nacional ta informa

En conexion cu celebracion Dia di Betico riba 25 di januari 2013

UN biaha mas Aruba lo bay recorda y celebra e fecha natalicio di e gran estadista Arubano Señor Gilberto François (Betico) Croes den feliz memoria. Pa cu e celebracion aki, Comision Celebracion Dianan Nacional (CCDN) a prepara un programa tanto protocolar cu tur e mandatario y invitadonan, cu lo tuma luga riba diabierna 25 di januari mes cuminsando for di 5'or di atardi riba Plaza Libertador Betico Croes riba Vondellaan cu e ofrenda floral y discursonan.

Despues di e ceremonia protocolar lo sigui di biaha riba e escenario cu e Manifestacion

Cultural cu diferente artista local te den oranan laat di anochi. Pa haci e atardi y anochi aki uno ameno, lo bay tin diferente tentan cu tanto artesanía, cumindanan crioyo, juice fresco, awa di coco, flor, mata, buki, remedi-tera, raspou y hopi mas. Tambe lo tin un Kids Corner pa deleita nos muchanan cu entre otro Dino-Jump. Bar y cushina lo ta bon surti pa refresca tur e gargantanan y cu nos dushi platonan crioyo.

Comision ta informa na tur esunnan cu ainda ta desea un tent pa bende locual a ser a anuncia ariba, por pasa personalmente na Departamento di Cultura

Aruba (Banda di Misa di Playa) cerca Sr. John Flemming of yama na 5822185.

Pa tur actividadnan rond di nos isla ta ser pidi pa organisadonan manda nan informacion via e-mail na stan.dabian@gmail.com pa Sr. Stan Dabian pa asina traha e calendario di actividad pa nos pueblo di Aruba por bishita tur e actividadnan riba Dia di Betico.

For di awor caba comision CCDN ta spera bo y hunto cu famia pa bin celebra e bunita dia aki na Plaza G.F. Betico Croes. Celebrando nos dianan Nacional.



*Si mi cai na caminda,
gara e bandera
y sigui cu e lucha*